



# REGULAMENTO DO REAL MERCADO MEDIEVAL FESTA DA ARRIBADA 2007

**IMPORTANTE: LEA CON ATENCIÓN ESTE REGULAMENTO. O INCUMPRIMENTO DE CALQUERA ARTIGO SUPON, A PERDA DO AVAL-FIANZA (100€), A RETIRADA DO POSTO E A PROHIBICIÓN DE PARTICIPAR NAS EDICIÓN SUCEVAS.**

## I.- DE CANDO E ONDE SE CELEBRA

- art. 1.-** O Real Mercado Medieval da Arribada 2007 celebrarase os días 3 e 4 de marzo de 2007, dende as 10:00h da mañá ata as 23:00h da noite. Fóra destas datas e horario non se permitirá a apertura de ningún posto na rúa.
- art. 2.-** O Real Mercado Medieval extenderase polas seguintes prazas e rúas do casco vello de Bayona: Praza do Pai Fernando, rúa Ventura Misa, praza Pedro de Castro, rúa Conde, Fonte de Ceta, rúa Lorenzo de la Carrera, praza do Concello, Xogo da Bola, rúa do Reloxo, rúa Diego Carmona, A Laxe, Rúa San Lorenzo, rúa Manuel Valverde, Barrio de San Xoán e Praza de Santa Liberata.
- art. 3.-** Fóra do recinto establecido non se permitirá o asentamento de ningún posto na rúa nin a venda ambulante de ningún produto.

## II.- DOS POSTOS DE VENDA

- art. 1.-** Establécense tres clases de postos de venda:
- POSTOS GREMIAIS.** Son aqueles específicos, establecidos pola organización para colectivos, institucións, empresas ou particulares, que representen durante o Real Mercado ós gremios medievais, desenrolando labores, mostras, manifestacións, etc. propias daquelas asociacións. A súa ubicación, adxudicación, deseño, tamaño, etc., serán determinados pola organización en función das necesidades e actividades de cada cal e do sitio dispoñible.
  - POSTOS ESTABLECEMENTOS DA VILA;** Son aqueles que os donos das adegas, tabernas, bares, restaurantes, etc., do recinto, soliciten asentar na vía pública, fronte a súa propiedade, para seren atendidos por eles mesmos en beneficio seu. Consistirán en “stands” propios, de tamaño variable segundo o espazo dispoñible, pero con deseño e materiais co maior rigor histórico. Éstes postos só serán autorizados no caso de que a organización non necesite tal espazo e sempre que as condicións da rúa, a criterio da organización, o permitan.
  - TENDERETES DO CONCELLO;** Son os postos propiedade do Concello que se asignarán mediante sorteo público entre os solicitantes interesados, sen que estes poidan alugalos ou cedelos a terceiros.
- art. 2.-** Tódolos postos presentarán obrigatoriamente aspecto medieval, tanto nos materiais coma no deseño, rexeitando formicas, plásticos, cristais, fibras sintéticas, lonas, rodas de goma, pinturas e debuxos modernos, papeis e cartóns impresos, sacos con letras, etc; debendo substituílos por táboas, cañizo, corcho, breixo, palla, xestas, cobertores, esparto, teas, panos, coiros, carozas, etc.
- art. 3.-** Queda prohibido instalar nos postos das rúas bombonas, cociñas, asadores, parrillas, braseiros, que supoñan un mínimo de perigo para as persoas.
- art. 4.-** Os postos han de ser ambientados na época medieval e calquera elemento complementario coma papeleiras, caixóns, rótulos, bancos, cadeiras, envases, etc. cumprarán este requisito.
- art. 5.-** Fóra dos postos, non se permitirá tampouco depositar caixas, paquetes, bultos, etc. que non cumpran este requisito.
- art. 6.-** Aqueles elementos modernos coma instalación eléctrica, lámpadas, grifos de auga, neveras, básculas, microondas, etc. que foran imprescindibles, deberán estar ocultos ou totalmente camuflados.
- art. 7.-** Non se permitirán toldos nin proteccións de plástico, chapas, lonas etc.. Permitiránse, nembregante, toldos de lona de cor granate (a cor da Arribada).
- art. 8.-** Non se permitirá reproducir música, salvo en vivo e sempre que sexa medieval.
- art. 9.-** Non obstante o dito anteriormente tódolos postos deberán presentar a maior limpeza e hixiene.

## III.- DA SOLICITUDE DOS POSTOS DE VENDA

- art. 1.-** Para obter posto de venda no Real Mercado Medieval é mester solicitalo no Concello en impreso oficial dende o 8 de xaneiro ó 10 de febreiro, ámbolos-dous inclusive. No intre de presenta-la solicitude farase o pago dun aval-fianza de 100 € máis o correspondente pago da cuota (50 € Tenderete e Posto Gremial e 25 € por metro lineal ou fracción (mínimo 50 €), Posto Establecemento) en metálico ou mediante xustificante do seu ingreso na conta de CAIXANOVA 2080 0015 70 0040011556. Non se admitirá ningunha solicitude que non leve adxunto os recibos de te-los pagos efectuados.
- art. 2.-** Ás solicitudes presentadas iráselles asignando un número de orde para o posterior sorteo público do tenderete e a súa ubicación dentro do Real Mercado.

#### **IV.- DA ADXUDICACION DOS POSTOS DE VENDA**

**art. 1.-** A adxudicación dos postos de venda farase en acto público o sábado día 17 de febreiro ás 11:00h da mañá no Salón de Plenos do Concello, cos seguintes criterios:

- 1.1 Asignación previa dos postos A (Gremiais), segundo os acordos previos entre a organización e os gremios establecidos.
- 1.2 Asignación dos postos B (Establecementos), ás solicitudes presentadas que cumpran os requisitos esixidos. Se algunha solicitude non obtivera posto, devolveráselle o importe íntegro da cuota satisfeita e mailo aval depositado, unha vez celebrado o Real Mercado.
- 1.3 Asignación dos postos C (Tenderete Concello), mediante sorteo público seguindo correlativamente o número asignado na presentación das solicitudes polo seguinte orde:
  - a) Colectivos do Municipio de Baiona (Centros de Ensino, Agrupacións culturais, deportivas, sociais e relixiosas, legalmente constituídas, Escolas Municipais, Comisións de Festas, ONG, etc.) que non teñan asignado posto gremial. Para este grupo reservaranse os primeiros postos.
  - b) Resto de solicitudes de persoas censadas no Municipio de Baiona.
  - c) Restantes solicitudes.
- 1.4 Agotado-los tenderetes, rematará o sorteo. Se quedaran solicitudes desertas, devolveráselle o importe íntegro da cuota satisfeita e o aval depositado, unha vez celebrado o Real Mercado.
- 1.5 Se houera máis tenderetes que solicitudes, o sorteo rematará ó agotarse estas. Neste caso os tenderetes sobrantes poderán cambiarse polos xa asignados, seguindo a orde anteriormente establecida.
- 1.6 Aquelas solicitudes rexeitadas por non axustarse ó regulamento, non entrarán en sorteo, pero terán dereito ó reintegro da cuota satisfeita, e o aval depositado, unha vez celebrado o Real Mercado.

**art. 2.-** A cada adxudicatario de Tenderete entregaráselle unha licenza co número do posto adxudicado, que deberá colocar no tenderete en sitio visible, durante todo o mercado.

**art. 3.-** Aínda que o solicitante (ou representante) non asistira ó sorteo, adxudicaráselle o posto igualmente, no caso de corresponderlle,. Se unha vez adxudicado non o utiliza, devolveráselle o aval depositado pero non a cuota de inscrición.

#### **V.- DA UBICACIÓN DOS POSTOS DE VENDA**

**art. 1.-** Os postos de establecementos da vila adxudicados situaranse á carón ou fronte o establecemento solicitante, sen rebasala fachada da súa propiedade e sen atranca-lo paso, seguindo sempre as instrucións da organización, que se reserva o dereito de negar a montaxe nos treitos da rúa que considere estreitos ou necesite para o seu servizo.

**art. 2.-** Os tenderetes do Concello serán numerados e colocados pola organización nos lugares máis estratéxicos do Real Mercado, non podendo cambiarse de sitio polos adxudicatarios.

#### **VI.- DA MONTAXE DOS POSTOS DE VENDA**

**art. 1.-** Tódolos postos de venda (Gremiais, Establecementos, Tenderetes), deberán estar montados obrigatoriamente antes das 10:00h do sábado día 3 de marzo, en que comezará o Real Mercado.

**art. 2.-** Non se poderá aumenta-la superficie do Tenderete con mesas ou plataformas adicionais, toldos complementarios, etc. Para protexerse do frío poden montarse laterais e traseiras de saco ou lona granate pero nunca plástico, salvo que éste fora forrado con saco.

**art. 3.-** O Real Mercado estará aberto no seguinte horario:

- <b>Sábado día 3:</b> de 10:00h a 23:00h - <b>Domingo día 4:</b> de 10:00h 23:00h
---

**art. 4.-** Fóra do devandito horario non se permitirá a apertura de ningún posto de venda na rúa.

**art. 5.-** O disparo de tres bombas ás 23:00h, será o sinal de peche do Real Mercado.

**art. 6.-** Durante o horario de apertura non poderá entrar nin permanecer ningunha moto, nin coche, nin obstáculos dentro do recinto do Real Mercado.

**art. 7.-** Ó remata-lo mercado de cada día, cada responsable deberá deixa-lo posto recollido e ordenado, e o seu recinto limpo de restos.

#### **VII.- DAS MERCADURIAS**

**art. 1.-** Os produtos á vender deberán ser naturais, autóctonos, feitos á man ou elaborados na casa, de características artesanais e ancestrais. A modo de orientación citamos algúns:

- a) Alimentos: pan de bola, empanada, empanadiñas, filloas, queixos, manteiga, croquetas, ovos cocidos, tortillas, chourizos gordos e delgados, rixóns, lacón, xamón, polbo, aceitunas, froitas...
- b) Froitos secos: noces, avelás, amendoas, trufas, pebidas, piñóns, manises, castañas pilongas, fabas, lentellas, garbanzos, etc.
- c) Bebidas: viño, leite, auga, etc...
- d) Artesanía: encaixes, calcetas, alfarería, cestería, vimbio, chancos, debuxos, zocos, carozas, etc. En xeral as feitas polos artesáns da época: ferreiro, zoqueiro, cesteiro, telleiro, alfareiro, carpinteiro, forneiro, teceláns, latoeiro, foleiro, canteiro, acibicheiro, cereiro, etc.

- e) Doces: Boleardo, rosquillas, roscóns, biscoitos, amendoados, madalenas, bica, cañas, doce de marmelo, marmeladas, filloas, brazo de xitano, leite frita, mel.
- f) Animais: coellos, pitas, pombas, paxaros, caza, ovelas, peixe seco, etc.

**art. 2.-** Queda absolutamente prohibido vender calquera bebida alcohólica nos postos da rúa, salvo nos autorizados á venda de comidas.

**art. 3.-** Non se porán á venda produtos que sufrisen proceso comercial no contido, envase ou presentación, ou que supostamente non existiesen daquela. Exemplo: cerveza, coca-cola, kas, patatillas, salchichas, xamón york, xelados, pinturas con paisaxes ou motivos actuais, electrodomésticos, obxectos de plástico, hinchables, libros, folletos, xornais, xoguetes modernos, camisetas serigrafiadas, discos, cassettes, etc.

**art. 4.-** Os produtos á venda non poderán levar envolturas de plástico ou envases modernos, nin caracteres impresos, nin marcas modernas, podendo presentarse en atados, cestos, pratos e cuncas de barro ou madeira, fardeles, sacos, caixas de madeira, barriles, garrafóns, pelexos, alforxas, etc, sempre libres de marcas. Exemplo, as rosquillas han venderse en atados con cordel, bimbio ou polas, pero nunca en paquetes de plástico ou celofán.

**art. 5.-** En lugar visible de cada posto figurará obrigatoriamente unha lista (a poder ser en caracteres góticos), cos precios das mercaderías á venda..

**art. 6.-** Os postos con venda de alimentos exporán outro cartel coa prohibición de toca-los alimentos, que lles facilitará a organización.

**art. 7.-** A organización declina no vendedor calquera responsabilidade sobre a calidade, composición, fórmula, elaboración ou precio dos produtos por el postos á venda.

## **VIII.- DAS COMIDAS**

**art. 1.-** Os postos que sirvan comidas deberán cuidar extremadamente os menús e mailo servizo, tendo en conta as seguintes normas:

- a) As comidas servidas estarán en consonancia coa época medieval (caldo, polbo, peixe, callos, cocido galego, cachelos, churrasco, empanada, chourizos, mariscos, cachucha, etc.).
- b) A louza e cobertería será consonte coa situación (pratos de madeira ou barro, cuncas de barro, culleres e garfos de madeira ou ferro, coitelos artesanais).
- c) Non se permitirán manteis de plástico ou papel e as “servilletas” poden ser de pano ou papel escuro.

**art. 2.-** Os postos que sirvan comidas deberán dispoñer en lugar oculto ou dentro do establecemento dos servizos obrigatorios de fregadeiro con auga corrente, retrete, etc.

## **IX.- DOS VENDEDORES**

**art. 1.-** Tódalas persoas que atendan os postos de venda deberán estar obrigatoriamente vestidos de época, procurando evitar, complementos modernos coma reloxo, gafas de sol, xoias modernas, etc.

**art. 2.-** Os vendedores de alimentos deberán estar en posesión do carnet de “Manipulador de Alimentos”.

## **X.- OUTROSI**

**art. 1.-** Durante os días da festa non se permitirá en todo o recinto nin accesos a colocación ou distribución de carteis, folletos, revistas, pancartas, etc. de contido alleo á Arribada, retirando a organización aqueles que estiveran colocados con anterioridade.

**art. 2.-** Fóra dos postos e establecementos autorizados, non se poderá vender ningunha mercadería (venta ambulante), tanto dentro do recinto, coma nos accesos ata o límite do municipio.

**art. 3.-** Tódolos adxudicatarios de postos no Real Mercado Medieval quedan obrigados a cumpri-lo presente regulamento.

**art. 4.-** A organización a través da Garda Real do Real Mercado e da Policía Municipal velará polo estrito e riguroso cumprimento do presente Regulamento. O incumprimento de calquera artigo sobre postos, mercaderías ou vendedores, sancionaranse do seguinte xeito:

- a) Amoestación.
- b) Ós 15 minutos. Perda do aval-fianza de 100 €depositado.
- c) Ós 30 minutos. Retirada do posto e prohibición de participar nas seguintes edicións da festa.

**art. 5.-** Unha vez celebrado o Real Mercado, o Concello procederá a devolver-los avais-fianza por domiciliación bancaria a tódolos usuarios que, segundo a Garda Real/Policía Local cumpriran co presente Regulamento.

**art. 6.-** Dado que o Real Mercado Medieval de Bayona goza dunha gran sona e creto, recórdase a obriga de manter precios razoables e sen variación durante toda a xornada, sendo obrigatorio expor ó público a lista dos mesmos. (VII-4°).